

Izveštaj o radu Uprave policije MUP-a Kantona Sarajevo za mjesec decembar 2018. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu decembru 2018. godine, na području Kantona Sarajevo registrovano je 386 krivičnih djela što je za 17 ili 4,2% manje u odnosu na isti mjesec prethodne godine.

Od ukupnog broja registrovanih krivičnih djela, 179 ili 46,4% izvršeno je od strane poznatih, a 207 ili 53,6% od strane nepoznatih izvršilaca.

Za 108 djela ili 52,2% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 64 krivična djela iz izvještajnog, a 44 iz ranijeg perioda.

Iz naprijed navedenog proizilazi da su službenici Uprave policije MUP-a KS u izvještajnom mjesecu za ukupno 287 krivičnih djela ili 74,4%, identifikovali osumnjičene izvršioce, što je za 9,4% više u odnosu na isti mjesec prethodne godine.

Zbog postojanja osnova sumnje da su počinili krivična djela prijavljena su 244 lica (pet manje), od čega je 135 povratnika (sedam više) u izvršenju krivičnih djela (ili 55,3%), deset maloljetnika (isti broj), a 118 lica je lišeno slobode (24 više).

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca decembra 2018. godine u ovoj oblasti evidentirano je 14 krivičnih djela (12 manje u odnosu na decembar 2017. godine), i to: teška tjelesna ozljeda – šest (četiri manje), lahka tjelesna ozljeda – sedam (tri manje) i učestvovanje u tuči jedno djelo (četiri manje).

Sva prijavljena djela iz ove oblasti su rasvijetljena¹, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 17 lica, od kojih je 12 povratnika ili 70,6%, a dva su lišena slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 21-no krivično djelo (dva više) i to: - ugrožavanje sigurnosti - 20 i narušavanje nepovredivosti doma - jedno djelo, za čije izvršenje su prijavljena 22 lica, a osam je lišeno slobode. Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirana su 23 djela (šest više) - nasilje u porodici, a zbog postojanja osnova sumnje da su počinili ova djela prijavljena su 23 lica, a deset je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 65 krivičnih djela iz oblasti protiv zdravlja ljudi (isti broj) i to:

- neovlašćena proizvodnja i stavljanje u promet opojnih droga (čl. 238. KZ FBiH) - jedno djelo,
- posjedovanje i omogućavanje uživanja opojnih droga (čl. 239. KZ FBiH) – 64 djela.

Zbog postojanja osnova sumnje da su počinili navedena djela podneseni su službeni izvještaji protiv 65 lica, a 42 su lišena slobode. Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv jednog lica zbog postojanja osnova sumnje da je u proteklom periodu u više navrata kupovo opojnu drogu „Marihuana“ i „Speed“, od za sada nepoznatih lica, na raznim lokalitetima, istu prepakivao, a zatim vršio prodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 64 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Amfetamin“, „Heroin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Pregled oduzete količine opojnih droga u mjesecu decembru 2018/17. godine

vrsta opojne droge	decembar 2018. godine	decembar 2017. godine
Marihuana (paketići)	6	8
Marihuana (u gramima)	20	---
Marihuana (JOINT - cigarete)	---	3
Amfetamin (u gramima)	183	----
Amfetamin (paketići)	49	9
Pribor sa ostacima droge	1	4

KRIVIČNA DJELA PROTIV IMOVINE

U ovom mjesecu, registrovano je 227 krivičnih djela protiv imovine, što je za 17 djela ili 7% manje u odnosu na isti mjesec prošle godine. Među djelima iz ove oblasti najbrojnije su: teške krađe – 126 djela (jedno više), zatim krađe – 40 (sedam manje), razbojništvo – 34 (šest manje), oštećenje tuđe stvari – 14 (dva više), prikrivanje - dva (isti broj djela), itd.

Za ukupno 130 ovih djela ili 57,3% identifikovani su osumnjičeni izvršioци što je za 15,1% veća rasvijetljenost imovinskih delikata u odnosu na isti mjesec prethodne godine.

Krivična djela teških krađa izvršena su u stambene objekte - 54 puta (17 više), poslovne prostore - 25 (deset više), motorna vozila (otuđenja pmv i “provale” u ista) - 18 slučaja (36 manje), itd.

Na području Kantona Sarajevo u mjesecu decembru 2018. godine izvršeno je šest krivičnih djela teških krađa motornih vozila od čega su dva ili 33,3% pronađena i vraćena vlasnicima (od strane Uprave policije MUP-a KS i policije RS-a, pronađeno je – po jedno vozilo).

Broj teških krađa motornih vozila u odnosu na isti mjesec prethodne godine, znatno je smanjen i to za 23 ili 79,3%.

Prijavljeno je 40 krivičnih djela krađe (sedam manje), koja su izvršena 15 puta u poslovnim prostorijama, 12 u stambenim objektima, pet puta u vozilima i na stajalištima GRAS-a, na ulici - šest puta, itd. odakle su otuđivani novčanici, bicikli, nafta, gusani slivnici, itd.

Evidentirano je deset krivičnih djela teških krađa na naročito opasan ili naročito drzak način (četiri više) na ulici u kojima su izvršiocima, upotrebom fizičke snage otimali mobitele i novac.

Rasvijetljeno je šest djela "drskih krađa" ili 60% (što je za 26,7% više u odnosu na uporeni mjesec), a zbog postojanja osnova sumnje da su ih počinili prijavljena su dva lica, povratnika u činjenju krivičnih djela.

Registrovana su 34 krivičnih djela razbojništva (šest manje), od čega je za 23 ili 67,6% djela identifikovan osumnjičeni izvršilac (što je za 20,1% veća rasvijetljenost u odnosu na uporedni mjesec). Ova djela izvršena su prijetnjom upotrebe vatrenog oružja - sedam puta, prijetnjom upotrebe noža ili drugog oštrog predmeta - 13 i upotrebom fizičke snage - 14 puta, a počinjena su u prodavnicama i drugim poslovnim prostorijama - 11 puta, sportskim kladionicama - pet, na ulici 15, itd. Otuđivan je novac, zlatni nakit i mobiteli.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 20 lica, od kojih je sedam povratnika u činjenju krivičnih djela, a 14 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je šest djela (isti broj djela) - izazivanje opće opasnosti, a zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv tri lica, a dva su lišena slobode. Krivična djela izazivanja opće opasnosti izvršena su na otvorenom prostoru, pri čemu je tri puta otvorenim plamenom izazvan požar, a u po jednom slučaju je pucano iz vatrenog oružja, aktivirana nepoznata eksplozivna naprava i nestručnim rukovanjem građevinskom mašinom oštećene plinske instalacije, što je dovelo do nekontrolisanog curenja plina. Posljedica izvršenja navedenih djela je nastala materijalna šteta i uznemirenost građana.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 13 krivičnih djela (dva više) i to: sprječavanje službene osobe u vršenju službene radnje - četiri djela, nasilničko ponašanje i napad na službenu osobu u vršenju poslova sigurnosti - po tri, krivotvorenje isprave - dva i nedozvoljeno držanje oružja ili eksplozivnih materija - jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 17 lica, a 12 je lišeno slobode.

KRIVIČNA DJELA POČINJENA OD STRANE MALOLJETNIH LICA

U toku mjeseca decembra 2018. godine prijavljeno je 10 maloljetnih lica (isto kao i u decembru 2017. godine) zbog postojanja osnova sumnje da su učestvovali u izvršenju devet krivičnih djela (jedno manje ili 10%).

Među prijavljenim maloljetnim izvršiocima, sedam su u dobi do 16 godina, a tri su u dobi između 16 i 18 godina, dok je povratnika u izvršenju krivičnih djela bilo šest (ili 60%).

Maloljetnici su prijavljeni za izvršenje sljedećih krivičnih djela: razbojništvo - četiri, krađa, teška krađa na naročito drzak i opasan način - po dva djela i oštećenje tuđe stvari - jedno djelo.

Pregled registrovanih krivičnih djela izvršenih od strane maloljetnih lica
u toku mjeseca decembra 2018/17. godine

Naziv krivičnog djela	decembar18.	decembar17.	+ - %
Teška tjelesna ozljeda	0	2	-2
Lahka tjelesna ozljeda	0	1	-1
Ugrožavanje sigurnosti	0	2	-2
Krađa	2	1	1
Teška krađa na naročito drzak i opasan način	2	1	1
Oštećenje tuđe stvari	1	2	-1
Razbojništvo	4	0	4
Povreda mira pokojnika	0	1	-1
ukupno	9	10	-1 ili 10%

OSTALA PROTIVPRAVNA I ASOCIJALNA PONAŠANJA

1. AKTIVIRANJE MINSKO-EKSPLOZIVNIH SREDSTAVA

U toku izvještajnog mjeseca registrovana su dva slučaja aktiviranja minsko-eksplozivnih sredstava (jedan više u odnosu na uporedni mjesec), koji su za posljedicu imali materijalnu štetu.

U proteklom mjesecu nije bilo evidentiranih anonimnih dojava o postavljanju eksplozivnih naprava, kao ni u decembru 2017. godine.

POŽARI

Tokom mjeseca decembra 2018. godine, na području Kantona Sarajevo registrovano je 11 požara (četiri više), koji su za posljedicu imali materijalnu štetu.

Prema statističkim pokazateljima, šest požara je izazvano namjerno, jedan nehatom, jedan zbog tehničkih nedostataka, dok uzroci tri požara spadaju u kategoriju ostalih.

Zbog izazivanja požara nadležnom tužilaštvu su podnesena tri službena izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu decembru 2018. godine na području Kantona Sarajevo registrovana su tri samoubistva (jedno više), izvršena na sljedeće načine: upotrebom vatrenog oružja, trovanjem i skakanjem sa visine – po jedan put.

Samoubistva su izvršila tri muškarca u dobi preko 50 godina.

JAVNI RED I MIR

U toku mjeseca decembra 2018. godine u oblasti protiv javnog reda i mira registrovano je 326 prekršaja (izdato naloga - 176, pokrenuto 150 zahtjeva za pokretanje prekršajnog postupka), što u odnosu na mjesec decembar 2017. godine predstavlja povećanje za 63 ili 23,9%. Za navedene prekršaje prijavljena su 384 lica (81 ili 26,7% više).

Na prekršaje utvrđene Zakonom o prekršajima protiv javnog reda i mira odnosi se 305 prekršaja (ili 93,5%), a na prekršaje koji su utvrđeni Odlukom općinskih vijeća o javnom redu i miru 21 ili 6,4%.

Od ukupnog broja prijavljenih lica, 29 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su oni preko 36 godina (219), zatim između 26 i 35 godina (108) i između 19 i 25 godina (57).

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u istom mjesecu 2017. godine), dok je lakše povrijeđeno sedam lica (sedam manje).

Prema vrsti prekršaja, najveći broj prekršaja učinjen je prosjačenjem (91 ili 27,9% od ukupnog broja), naročito drskim ponašanjem (72 ili 22,1%), tučama (50 ili 15,3%), te odbijanjem naređenja i omalovažavanjem policijskih službenika (15 ili 4,6%). Prekršaja koji su učinjeni paljenjem petardi – osam, svađom, vikom i nepristojnim ponašanjem bilo je pet, neovlaštena upotreba oružja – jedan, dok je ostalih prekršaja bilo 63. Preostalih 21 prekršaj odnosi se na prekršaje koji su regulisani Odlukom općinskih vijeća o javnom redu i miru.

Tabelarni pregled strukture prekršaja iz oblasti javnog reda i mira za decembar 2018/2017. godine

STRUKTURA PREKRŠAJA	decembar 2018.	decembar 2017.	+ - %
UKUPNO prekršajnih naloga i zahtjeva za ppp	326	263	63 ili 23,9%
UKUPNO lica	384	303	81 ili 26,7%
Prekršaji prema Zakonu o prekršajima protiv JRiM:	305	253	52 ili 20,5%
<i>-Tuče</i>	50	36	14 ili 38,9%
<i>-Naročito drsko ponašanje</i>	72	55	17 ili 30,9%
<i>-Odbijanje naređenja i omalovažavanje pol. služb.</i>	15	19	-4 ili 21%
<i>-Prosjačenje</i>	91	78	13 ili 16,7%
<i>-Svađa, vika, nepristojno ponašanje</i>	5	9	-4 ili 44,4%
<i>-Paljenje petardi</i>	8	6	2 ili 33,3%
<i>-Neovlaštena upotreba oružja</i>	1	0	1
<i>-Ostali prekršaji</i>	63	50	13 ili 26%
Ukupno naloga/ zahtjeva prema Odluci o.v. o JRM	21	10	11 ili 110%

U odnosu na mjesec decembar 2017. godine, smanjen je broj prekršaja koji su učinjeni odbijanjem naređenja i omalovažavanjem policijskih službenika kao i svađom, vikom, nepristojnim ponašanjem, dok je u svim ostalim slučajevima taj broj povećan.

Prema mjestu izvršenja, najveći broj prekršaja izvršen je na ulici i na drugim otvorenim prostorima (295 ili 90,5% od ukupnog broja), a znatno manje u ugostiteljskim objektima (15 ili 4,6%), u školama i školskim dvorištima – dva, u trgovinskim radnjama i na sportskim terenima (po jedan). Na ostalim mjestima izvršeno je 12 prekršaja.

Tabelarni pregled broja prekršaja prema mjestu izvršenja u mjesecu decembru 2018/2017. godine

MJESTO IZVRŠENJA	DECEMBAR 2018.	DECEMBAR 2017.	+ - %
Ulica i drugi otvoreni prostor	295	230	65 ili 28,3%
Ugostiteljski objekti	15	10	5 ili 50%
Sportski stadioni i dvorane	1	1	isto
Škole (školska dvorišta)	2	0	2
Vozila javnog saobraćaja	0	4	-4
Trgovinske radnje	1	1	isto
Ostala mjesta	12	17	-5 ili 29,4%
UKUPNO	326	263	63 ili 23,9%

U poređenju sa istim mjesecom 2017. godine, u proteklom mjesecu broj prekršaja na ulici i drugim otvorenim prostorima, u ugostiteljskim objektima i u školama (školskim dvorištima) je povećan, dok je broj prekršaja učinjenih u vozilima javnog saobraćaja i na ostalim mjestima smanjen, a broj prekršaja učinjenih na sportskim terenima i u trgovinskim radnjama ostao je isti.

Na području Kantona Sarajevo u mjesecu decembru 2018. godine održano je 238 javnih skupova (71 ili 42,5% više u odnosu na decembar 2017. godine). Policijski službenici su proveli planske aktivnosti javnih skupova, koji su protekli bezbjedno, a u 61 slučaju izvršeno je KDZ osiguranje.

SAOBRAĆAJ

Na području Kantona Sarajevo u mjesecu decembru 2018. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom, sa nastradalim licima i broj povrijeđenih lica. U navedenim nezgodama dva lica su poginula (u istom mjesecu prošle godine nije bilo poginulih lica).

Registровано je 769 saobraćajnih nezgoda (66 ili 7,9 % manje u odnosu na decembar prethodne godine), od čega je 716 sa materijalnom štetom (58 ili 7,5 % manje) i 53 sa nastradalim licima (osam ili 13,1 % manje). U navedenim nezgodama dva lica su poginula, 11 teže, a 52 lica su lakše povrijeđena.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC DECEMBAR 2018/17. GODINA

	DECEMBAR 2018	DECEMBAR 2017	uporedba	
			+,-	%
UKUPAN BROJ SAOBRAĆAJNIH NEZGODA	769	835	- 66	- 7,9 %
SAOBRAĆAJNE NEZGODE SA NASTRADALIM LICIMA	53	61	- 8	-13,1 %
SAOBRAĆAJNE NEZGODE SA MATERIJALNOM ŠTETOM	716	774	- 58	- 7,5 %
POGINULO LICA	2	0	+ 2	---
- vozači	1	0	+ 1	----
- putnici	0	0	-----	-----
- pješaci	1	0	+1	-----
POVRIJEĐENO LICA	63	80	- 17	- 21,2 %
- vozači	25	34	- 9	- 26,5 %
- putnici	20	26	- 6	- 23,1 %
- pješaci	18	20	- 2	- 10 %

U naselju je registrovano 670 saobraćajnih nezgoda (48 sa nastradalim licima i 622 sa materijalnom štetom), van naselja 99 nezgoda (pet sa povrijeđenim licima i 94 sa materijalnom štetom).

Evidentirano je 111 saobraćajnih nezgoda na raskrsnicama u naselju, 11 na pješačkim prelazima, devet na raskrsnicama van naselja i 638 saobraćajnih nezgoda čije se karakteristike puta ubrajaju u kategoriju ostalih.

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
U MJESECU DECEMBRU 2018. GODINE

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	10	36	622	670	2	11	47
van naselja			5	94	99			5

UKUPNO	2	10	41	716	769	2	11	52
---------------	----------	-----------	-----------	------------	------------	----------	-----------	-----------

POSLEDICE SAOBRAĆAJNIH NEZGODA

Tokom mjeseca decembra 2018. godine, u saobraćajnim nezgodama na području Kantona Sarajevo nastradalo je ukupno 65 lica (15 ili 18,7 % manje).

TABELARNI PREGLED NASTRADALIH LICA (poginula, teško i lakše povrijeđena) U SAOBRAĆAJNIM NEZGODAMA ZA MJESEC DECEMBAR 2018/17. GODINE

učesnici u saobraćaju	Decembar 2018. godine	Decembar 2017. godine	uporedba	
			+/-	%
vozači	26	34	- 8	- 23,5 %
putnici	20	26	- 6	-23,1%
pješaci	19	20	-1	- 5 %
UKUPNO	65	80	- 15	- 18,7 %

Dva lica su poginula² (u istom mjesecu prošle godine nije bilo poginulih lica), a 63 su povrijeđena (17 manje), od čega 11 teže (tri manje) i 52 lakše (14 manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA ZA MJESEC DECEMBAR 2018/17. GODINE

mjesec	DECEMBAR 2018. GODINE			DECEMBAR 2017. GODINE			UPOREDBA OKTOBAR 2018/17. GOD.		
vrsta posljedice	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	1	3	22	0	1	33	+ 1	+ 2	- 11
PUTNICI	0	3	17	0	6	20	-----	- 3	- 3
PJEŠACI	1	5	13	0	7	13	+ 1	- 2	Isto
UKUPNO	2	11	52	0	14	66	+ 2	- 3	- 14

STEPEN POVREDA UČESNIKA U SAOBRAĆAJNIM NEZGODAMA

- Vozači :
jedan vozač je poginuo, 25 vozača povrijeđeno (tri teže i 22 lakše)
- Putnici:
20 putnika je povrijeđeno (troje teže i 17 lakše)
- Pješaci:
Jedan pješak je poginuo, 18 pješaka povrijeđeno (pet teže i 13 lakše)

Starosna struktura nastradalih osoba u saobraćajnim nezgodama je slijedeća:

- do 17 godina – pet lica,
- od 18 do 30 godina - 26,
- od 31 do 40 godina – 12,
- od 41 do 50 godina – šest,
- od 51 do 65 godine – devet lica, itd.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – četiri lica,
- od 23 do 30 godina – sedam,
- od 30 do 40 godina – osam,
- od 40 do 50 godina – dva,
- od 50 do 60 godina –jedno lice, itd.

Prema kategoriji puta, najveći broj saobraćajnih nezgoda registrovan je:

- na ulicama u naselju – 594 nezgode u kojima je 48 lica nastradalo (dva lica poginula, 46 lica povrijeđeno)
- na magistralnim putevima – 82 (osam lica povrijeđeno),
- na lokalnim putevima – 43 (dva lica povrijeđena),
- na regionalnim putevima – 26 (četiri lica povrijeđena),
- na putevima koji se ubrajaju u kategoriju ostalih – 24 saobraćajne nezgode (tri lica povrijeđena).

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 636 (dva lica poginula, a 34 lica povrijeđena, šest teže i 28 lakše),
- neprilagođena brzina – 114 (26 lica povrijeđeno, četiri teže i 22 lakše),
- uticaj alkohola – 19 nezgoda (tri lica povrijeđena, jedno teže i dva lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca decembra 2018. godine, policijski službenici Uprave policije MUP-a Kantona Sarajevo kontrolisali su:

- 18.688 vozila (1.647 više),
- 4.801 lice u vozilima (652 više),
- 249 vozila pregledali (76 više),
- 203 lica u tim vozilima (15 manje).

Zbog tehničke neispravnosti iz saobraćaja je isključeno 20 vozila (osam manje), 312 vozača je zatečeno da upravljaju vozilom pod dejstvom alkohola (58 više), 265 bez korištenja sigurnosnog pojasa (45 manje), 97 bez položenog vozačkog ispita (18 više), 56 pod izrečenom zaštitnom mjerom (28 više), 312 vozača je zatečeno da koriste mobitel tokom vožnje (65 više) i 556 vozila je učestvovalo u saobraćaju bez važeće registracije (450 više).

Zbog kršenja propisa iz oblasti sigurnosti saobraćaja uručeno je 15.239 prekršajnih naloga vozačima (2.817 ili 22,7 % više u odnosu na decembar prošle godine) i podnesena 34 zahtjeva za pokretanje prekršajnog postupka (24 ili 41,4 % manje).

MIRUJUĆI SAOBRAĆAJ I KONTROLA PJEŠAKA

Policijski službenici Uprave policije MUP-a KS su i tokom mjeseca decembra 2018. godine planirali i kontinuirano provodili aktivnosti po pitanju saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 6.476 prekršajnih naloga (914 više), upozoren je 291 vozač (144 manje), a specijalnim vozilom "pauk" premješteno je 178 vozila (133 manje).

Takođe, pješacima koji su kršili saobraćajne propise uručeno je 129 prekršajnih naloga (15 manje), a upozoren je 71 pješak (71 manje).

ZAKONITOST U RADU

Tokom mjeseca decembra 2018. godine, registrovana su četiri pojedinačna napada (jedan više) na policijske službenike. U napadima su učestvovala četiri punoljetna lica koja su lišena slobode.

Policijski službenici Uprave policije su tokom mjeseca decembra 2018. godine u tri slučaja opravdano upotrijebili silu: fizičku snagu i sredstva za vezivanje.

Tokom mjeseca decembra 2018. godine, razmatrano je 20 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 11 predstavki provede unutrašnja istraga. Za osam predstavki je odlučeno da se izvrše provjere i prikupi dokumentacija, dok je za jednu predstavku odlučeno da se pripoji unutrašnjoj istrazi.

Od ukupno 20 razmatranih predstavki, 12 je podneseno od strane građana, a osam predstavki predstavljaju saznanja iz službe.

Okončano je devet unutrašnjih istraga, među kojima su četiri bile bez dovoljno dokaza, u tri slučaja istrage su neosnovane, dok su u dva slučaja istrage osnovane.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

Evidentirana su četiri djela regulisanih ZONDINOIM-om (jedno manje) počinjenih od strane četiri lica.

U sklopu aktivnosti na oduzimanju nelegalno posjedovanog oružja i drugih predmeta oduzete su: dvije puške, četiri pištolja, osam komada „noževa, mačeva, sablji, bajoneta i sl.“, 80 komada municije raznog kalibra, 4.787 kom. petardi, itd.

Fizičkim licima izdata su 132 odobrenja za nabavku vatrenog oružja (49 više) i 103 oružna lista (17 više).

RAD POLICIJE U ZAJEDNICI

U okviru Rada policije u zajednici u toku decembra 2018. godine nastavljene su aktivnosti s ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Obavljajući svoje redovne aktivnosti policijski službenici su vršili obilaske mjesnih zajednica, obrazovnih i vjerskih institucija i aktivno učestvovali u kampanjama i projektima, koji su se odvijali na području Kantona Sarajevo.

U sklopu projekta „Policija u zajednici“ preduzimane su sljedeće aktivnosti:

- Organizovan je obilazak parking prostora sa ciljem pronalaska napuštenih parkiranih motornih vozila.
- Učenicima Srednje mašinske škole je predstavljena kampanja „Stop nasilju u porodici“ koja je realizovana u organizaciji ICITAP-a i ambasade SAD-a.
- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, održane su edukativne radionice za učenike šestih razreda u 71 osnovnoj školi na području Kntona Sarajevo.
- U sklopu projekta „Sigurnost djece u saobraćaju“, policajci u zajednici su obilazili obdaništa i organizovali posjete djece policijskim stanicama gdje su prezentovali sredstva i opremu koju policijski službenici koriste svakodnevno u svom radu.
- Organizovan je obilazak objekata u kojima dolazi do veće transakcije novca- banaka i trgovačkih centara, a ujedno se radilo na prikupljanju bezbjednosno interesantnih saznanja po pitanju krivičnih djela razbojništava, teških krađa motornih vozila, provalnih krađa u stanove, poslovne objekte i slično, sa ciljem razvijanja saradnje i jačanja povjerenja građana u rad policije.

Sarajevo, 14.01.2019. godine

Odjeljenje za odnose s javnošću

